



Gugger-Fasnacht

**GUFA**

**2020**

«Mir bruche Brüch!»

10. Usgoob



**Verkauf | Beratung | Support**

**Hauptstrasse 30 – 4107 Ettingen**

**pc-express.ch info@pc-express.ch**



Ihre Schweizer Versicherung



**Marcel Schneider**

Versicherungs-/Vorsorgeberater

**Generalagentur Reinach**

T 058 280 89 35, M 079 572 30 59

marcel.schneider@helvetia.ch

## MII ABSCHLUSS ALS PRÄSI

Im 2018 ha ich s'erscht mol dörfe als Präsi unseri Fasnacht miterläbe, jetz isch für mi dr Zitpunkt cho, wo ich das Amt wieder abgib. Wie ich immer gseid ha mach ich das mol für e Joor, jetz sind doch schöni und wüchlich spannendi drei Joor worde.

Ich ha viel dörfe miterläbe und ha au sehr viel Freud gha an dere Ufgoob als Präsi, aber zwüscheduure muess me eifach au Prioritäre setze. Ich hoff, dass unser Komitee schnäll Öbber findet, wo die spannendi und intressanti Ufgoob will überneh.

Als kleine Abschluss würdi doch au no gärn vielleicht e bitz öbbis negativs abringe. Unseri Liebi Sandra (Dorfdeko Chefin) het vrsuecht miteme Deko-Sunnig unseri Fasnachtsdeko uf z'peppe, leider sind aber nur e Hand voll Lüt cho. Dorum nomol an alli Fasnächtler: Nämmed so Termine wohr wenn möglich, will nit numme s'Komitee gestaltet d'Fasnacht sondern mir alli zämme.

Jetz wünsch ich allne e gmietlich und lessigi Fasnacht und danke an alli fürs Vertraue in de letschte drei Joor.

Eure Präsi Bixe

**S'KOMITEE  
WÜNSCHT ALLNE  
E SCHÖNI FASNACHT**



## Wikinger Glüewy Lady's

Mir verkaufe an unserem Stand  
Ässe und Drinke währenddem  
Fasnachtsumzug bi dr Tierarztpraxis.  
Chomed verby!

(Glüewy gits, wenns ganz chalt isch)



**PAUL THÜRING**  
Malergeschäft

**Paul Thuring · Malermeister**

Witterswilerstrasse 17 · 4107 Ettingen

Tel. 061 721 75 87 · Nat 079 776 53 01

**FUSSPFLEGESALON**  
**NICOLE SCHNEIDER-MUSTER**

Hauptstrasse 22

4107 Ettingen

Tel. 061 721 25 35

## EINE GV MIT NEUEN IDEEN

GV vom 6. September im Bahnhofli Ettingen:


Wie jedes Jahr wurden die einzelnen Traktanden relativ rasch und ohne Einwände bewilligt, bis auf die Jahresrechnung. Diese musste doch auch ein wenig erläutert bzw. erklärt werden, daher komme ich auch in diesem Bericht noch zu einem Punkt: Bei der GV berichtete ich, dass die Revision getätigt wurde und in Ordnung ist. Dies war eine falsche Aussage von meiner Seite. Nach Abklärungen wurde die Revision aber noch nachgeholt und durch die Revisoren abgesegnet.

Weiter ging es mit den Wahlen. Zur Wiederwahl stellten sich Pascale Bebox, Sandra Ruchti, Michel Simon und meine Wenigkeit. Alle wurden einstimmig angenommen, Danke dafür. Neu ins Komitee kommt Maria Leu (Migg), die den Apero für unsere Gast-Guggen organisieren wird und Sylvia Schneider, die zusammen mit Patricia Gonçalves unser GUFA-Heft gestalten wird.

Im Anschluss kam der grosse Auftritt von unserer Guggen-Gugge Ettigä, welche offiziell den Ablauf des neu geplanten Guggen-Konzerts aufzeigte. Was bedeutet dies nun konkret? Das Konzert wird neu nicht wie gewohnt auf dem Gemeindeplatz stattfinden, sondern mit zwei Bühnen im Dorfkern und dies im Abschnitt zwischen Aeschstrasse und Kirchgasse. Die Waagenburg wird daher auch nicht auf dem Gemeindeplatz, sondern verteilt auf der Hauptstrasse stattfinden. Daher wurde auch entschieden, dass während dieser Zeit die Hauptstrasse gesperrt wird. Weitere Infos findet ihr weiter hinten im Heft. Wir hoffen, dass wir mit dieser Aktion auch wieder mehr Leben ins Dorf bringen können.

Ansonsten bleibt alles soweit beim Gleichen. An dieser Stelle möchte ich noch anmerken, dass wir für neue Ideen immer offen sind und uns über eure Inputs freuen.

Zum Abschluss danke ich nochmals allen Anwesenden, sowie auch den Fasnächtlern die immer tatkräftig einen Beitrag zu einer gelungenen Fasnacht leisten. Ich freue mich schon jetzt auf eine weitere Guggen-Fasnacht, und bis dahin allen eine gute Zeit.  
Eure Präsi Bixe (Dominik Hediger)



## Fam. Ambros Thüring, Weinbau und Brennerei

Wein und Schnaps aus eigener Produktion.  
Direktverkauf jeden Samstag von 10 - 12 Uhr  
in der «Wylaube» oder nach tel. Vereinbarung.

Hauptstrasse 32, 4107 Ettingen, Telefon 061 722 00 07  
info@thueringambrosweinbau.ch /  
www.thueringambrosweinbau.ch

## DORFDEKO-DAG



## Urs Brodmann

Aeschstrasse 9  
4107 Ettingen

### Hausgeräte Verkauf - Service

Offizielle Bauknecht - Vertretung

Whirlpool • Fors • V-ZUG • Miele • Elektrolux



Schliesstechnik

Einbruchschutz

061 731 11 48  
079 137 11 57

www.hausgeraete-urs.ch  
info@hausgeraete-urs.ch

Sonntag offen

in Ettingen

jeden Sonntag offen  
08.00 bis 12.00 Uhr



BÄCKEREI KONDITOREI CAFÉ

# JEKER



Wo Feines entsteht

BÜSSERACH | NUNNINGEN | BRISLACH | ETTINGEN  
061 781 13 09 | 061 791 14 30 | 061 783 83 33 | 061 721 14 77

# ABZEICHE UND SUJET


«Bruchts Brüch?» Das hän mir uns gfragt, wo mir uns zu de Abzeichefraue gsellt hän. Und d'Antwort isch allne klar: «Mir bruche Brüch!» Mit dem Abzeiche, wo an Pfingstblätter söll erinnere, isch das gleichzeitig au unsers Sujet für d'Fasnacht 2020 worde. Apropos Brüch; Mir hän uns au das Joor vorgnoh de Abzeichewyber e Site im GUFA z'widme – Me chas sogar als chleini Tradition gseh. Jede Donnstig Obe traffe sie sich bi dr Pasci dehei und chlabe, schnüüre und baschtle, damit mir alli an dr Fasnacht e schöns Abzeiche ans Kostüm hänge chönne. Das ganze natürlich in heiterer Stimmig, zämme mit viel Gschichtli und natürlich emene Glas Prosecco oder emene heisse Lutz. (Guet, mir müend gestoh, dass es für uns GUFA-Journalistinne Tee gäh het, mir müen uns schliesslich konzentriere.)



Ufm ganze Tisch verteilt sich grüne Bascht, chliini Waggelägügli, Schnur und Droht. Alles kei Problem für das ihgspilte Team. Sie wüsse genau was wo isch und wär für welle Schritt verantwortlich isch. D'Pasci macht dr Ahfang und schnidet dr Droht. D'Moni baschtlet d'Ärmlli drus, indäm si dr Droht zämmewicklet und zwei Perle ahhängt als «Händli». S'Schnürli-zämmebinde übernimmt d'Barbara. D'Nicole und d'Fatima büschle die grüne Bascht-Hüffeli und wickle denn dr Droht drum. Denn wird s'Abzeiche witergleitet an d'Migg wo s'Etiketli dra chläbt. Und zum Schluss chunnt s'achlabe vo de Ägügli. E Meisterufgob wie sich usestellt. So manch eini het's probiert. Wirklich schön seht's aber nur us, wenn d'Corina das macht. Und voila – s'Abzeiche 2020 isch parat. Bevor si aber an d'Fasnächtler verteilt wärde, müen si natürlich no e Fotoshooting mit uns fürs GUFA überstoh. Freudigi Nochrucht – es häns alli überläbt.




Das Joor het meh für d'Abzeichegestaltig öppis neus gwogt. Nachdäm s'Abzeiche immer vom Abzeiche-Team bestumme worde isch, het me de Fasnächtler s'erscht mol d'Chance überlohe e eignigs z'erfinde. Das ganze isch an dr letschte Fasnacht entstande als Wettbewärb. Ettigerinne und Ettiger hän ihri kreativi Site chönne zeige und e Vorschlag bringe für's Abzeiche 2020. Und derbi het me au no öppis chönne gwünne! Und siehe da, d'Idee vom jetzige Abzeiche chunnt vo dr Carola und em Paul Brodmann. In dem Sinn danke mir euch für die tolli Idee wo jetzt s'Sujet vo dr Guggere-Fasnacht 2020 ahgit.



S'neue Abzeiche zeigt durch und durch, dass mir Ettiger an unserne Traditione hänge (au wenn das für die eint oder anderi jungi Dame mit so ahgnähm isch, wenn si im Brunne landet). Mir hänge so sehr an unserne Brüch, dass mir sogar schwizwyf für Ufregig Sorge. Alli Zytige hän brichtet und gwüssi sogar gfluecht. Usser mir. Mir nämme no ein! Proschtl!





**Wir bringen Farbe in Ihr Leben.**

*Seit über 40 Jahren.*



**Gutzwiller**  
Malergeschäft AG

061 721 15 11 info@gutzwiller-ag.ch www.gutzwiller-ag.ch

# Beauty-Case

## Kosmetik und Fusspflege

### Säure-Basen Behandlungen und Beratung

Christine Zimmermann

Brücklismattstr. 10

4107 Ettingen

Tel. 079 549 43 61

**Behandlung auf Voranmeldung!**



Mir stelle vor:

## EIGE- WAGGIS

Marc, Philipp, Mirjam, Claudia (fehlt auf Foto),  
Evi, Kerstin, Claudio (Fotograf), Thomy,  
Seraina, Nico, Flurina, Anina, Jan und Amélie


Mir sin d'Eige-Waggis  
Uns git's sit 5 Joohr  
Mir wohne uf em Eige  
S'git zwei Usnahme, das isch woohr

Diä Jüngschte, diä sin sächsi  
Diä Andere öbbis meh  
Bim schaffe sin alli voll derbi,  
D'Farbe chasch nachhär überall gseh

Mir baue vom Samschtig morgge,  
bis an Obe ane  
Und wenn dr Hunger uns duet plooge,  
hole mir e Pizza in dr Altane

Mir hän Eine, dä baut und macht  
Zieht aber kei Koschtüm ah,  
Drum duet är an dr Fasnacht  
Mit em Fotiapparat laufe näbedrah

# DORFPLAN



## BEIZE

-  Restaurant Bahnhöfli
-  Ristorante L'Incontro Zur alten Waage
-  Restaurant Rebstock
-  Restaurant Pizzeria Altane

## BARE

-  Pub zum scharfe Egg
-  Wikinger Glüewy Lady's
-  Ambros

## TRÄFFPÜNKT

-  Gmeiniplatz
-  Turnhalle
-  Aula
-  Coop Parkplatz
-  Guggenhuus

# FASNACHTSPROGRAMM

## DORFDEKO UFHÄNGGE, BÖÖLELI

Samstig, 8. Februar  
10:00 Uhr: Dorfdeko ufhängge,  
Träffpunkt vorem Räßstock  
ab 11:30 Uhr: Bööleli im  
Guggerhuus

## SCHMUTZIG DONNSTIG

Donnstig, 20. Februar  
14:00 Uhr: Chindsgi- und  
Schuelumzug uf dr Hauptstross.  
Zobe: Beizefasnacht mit  
Maskeprämierig bi Mitternacht  
vor dr Tierarztpraxis.

## FASNACHTSUMZUG

Sunntig, 23. Februar  
14:30 Uhr: Grosse Fasnachtsumzug entlang dr Hauptstross. Dr Dorfkärn  
bleibt bis 20:00 Uhr für dr Verkehr gsperrt.  
Aschliessend: Beize-Fasnacht mit Schnitzelbängg

## GUGGERZYTLI

Fritig, 14. und Samstig, 15. Februar  
in dr Aula. Türöffnig: 17:00 Uhr,  
Programm: 20:00 Uhr

## FASNACHTSSAMSTIG

Samstig, 22. Februar  
D'Gugger-Gugge fahrt mitm Car  
uf Welscherohr an d'Fasnacht  
und zobe direkt uf Hofstette.  
Schlachtebummler sin hätzlich  
willkomme. Für 30.- cha me im  
Car mitfahre. Witteri Infos  
und Amäldig über d'Sevy:  
[s.gorrenourgourt@gmx.ch](mailto:s.gorrenourgourt@gmx.ch)

## KINDERFASNACHT

Mäntig, 24. Februar  
13.30 Uhr: Konfettischlacht ufm Gmeiniplatz  
Aschliessend: Umzug durchs Dorf in d'Turnhalle, wo euch d'Kinderdisco,  
verschiedeni Programm und s'Zvieri-Weggli erwarte  
Zobe: Beizefasnacht mit Schnitzelbängg

## GUGGER OBE 2020: FASNACHTS-MEILE IM DORF

Zistig, 25. Februar  
ab 19:30 Uhr: Fasnachtsmeile  
mit zwei Bühne zmitzt im Dorf.  
Verschiedensti Gugge-Konzärt,  
Beizli und diversi Fasnachtswäge  
nomol uf dr Hauptstross  
ufgestellt.

Witeri infos uf dr nöggste  
Doppelsite!

## DORFDEKO ABHÄNGGE

Samstig, 7. März  
10:00 Uhr: Dorfdeko abhängge,  
Träffpunkt vorem Räßstock.  
Aschliessend git s'Komitee de Hälfer  
eine us!


## FASNACHTSFÜÜR

Sunntig, 1. März  
19:00 Uhr: Träffpunkt bim  
Coop Parkplatz, Fackelumzug ufe  
Räßhübel. Dört wird s'grosse  
Fasnachtsfüür azündet und Schiibli  
gschosse. Im Zält gits Suppe mit  
Spatz und diversi Getränk zum  
ufwärme oder abchüele.

## SCHLUSSOBE

Samstig, 9. Mai  
19:00 Uhr: Dr neu Fasnachtsfilm  
wird in dr Turnhalle präsentiert  
und vorab no dä vom 2010.  
Beiz und Bar durch d'Tekkillä  
Buebe.

# GUGGER OBE 2020 FASNACHTS-MEILE IM DORF



S'neue Konzäpt füre Zistig stobt fescht: Neu wärde zwei Bühne zmitzt im Dorf ufgestellt und mit dr Waageburg uf dr gsperrte Hauptstrass ergäntzt. Verschiedensti Gugge chöme an däm Obe cho spiile und d'Waageclique wie au dr Ambros und dr Jeker sorge für s'liibliche Wohl.

## LEGÄNDE

-  Bühni 1+2
-  Strössesperri
-  Fasnachtswaage
-  Ambros
-  Jeker
-  Esse bi de Wäage

## ZYTE:

Strössesperri: 19:00 - 24:00 Uhr  
Konzärt: 19:30 - 22:00 Uhr  
Waageburg: 19:30 - 23:00 Uhr

## WAAGECLIQUE

Houli-Mouli  
Tekkila-Buebe  
Chaospidole  
Die Letschte  
Die Drümmlige  
Sirenehüüler  
Plauderi  
Hopfegränate  
Joorgang  
Promille Jäger

Wär scho immer mol het welle Waageluft schnuppere, dörf gärn uf die verschiedene Wäage go luege. Bi de Wäage würeds diversi Verpflegungsmöglichkeiten ha. Vo heisse bis chalte Getränk, mit und ohni Alkohol und bim eint oder andere au öbbis chlises gege dr Hunger.


## GUGGE-LISCHE

LRG13, Witterswil\*  
Samba Schnoogge, Därwil\*  
Akademiker, Basel  
Node-Chaode, Grenzach  
Kappi Clique, Baden  
Glori-Moore, Hofstetta  
Nooete Heuer, Witterswil  
Gugger-Gugge Ettigä

Alli Gugge (usser die mit em Stärnli) spiile uf beidne Bühne eimol. D'Spiilzite wärde denn churz vor dr Fasnacht no bekannt gää.

Nach de Konzärt cha me die eint oder ander Gugge au no in de Beize aträffe.

# D'GUGGER-GUGGE UND D'WAAGECLIQUE FREUE SICH UF VIELI BSUECHER!



# Restaurant Rebstock

Mecki-Weggli-Beiz

s'R-Team wünscht allne e scheeni Fasnacht!



Heizungstechnik ■ Sanitärtechnik

## Moret-Brodmann AG

4114 Hofstetten Tel. 061 731 30 36

[www.moret-brodmann.ch](http://www.moret-brodmann.ch)

Heizungen – Wärmepumpen – Sanitär – Badumbau

R. Moret / A. Brodmann / P. Weikard

# MASKEBALL IN DE BEIZE AM SCHMUTZIG DONNSTIG

## UND SO LAUFTS:

### 1

Holet euri Nummere zwüsche 8i und 10i z'Oben bim Komitee im Rübstock.

### 2

Klapperet alli Beize ab und präsentieret euers tolle Kostüm/ Sujet

### 3

Chömed am zwölfi z'Nacht and Prämierig vor dr Tierarztpraxis (zwüsche Jeker und Ambros)

### 4

Immer wach bliibe, sunscht zellts nid!

## GRATIS TIPP:

Zwüscheduure au mol chli Wasser drinke!



Jubiläum:

# GUGGER-SUGAR

Sit 10 Joor mache d Gugger-Sugar als Clique d'Ettiger Fasnacht unsicher. Mit viel Tüll und Freud sind si jedes Joor derbi. Mir hän ihne drum e paar Froge gstellt, damit mir si als Clique besser kennelemer.

## WIE HET DAS GANZE ANFANGE?:

Agfange het alles im Summer 2010, wo mir Gründigsmittglieder; d'Jeaninne, d'Isabelle, d'Jessi, d'Kim und d'Steffi, uns vo de alte Cliquene trennt hän und gfunde hän, mir mache jetzt e neu Clique. Und denn sinmer emol zämme gsässe, und hän das innerhalb vo einere Sitzig gründet und im 2011 hän mir denn s'erst mol Fasnacht gmacht. E Joor später isch denn d'Mimi derzue cho und denn nomol e Joor später d'Fabienne. Dört sinmer denne zu 7. gse, und denn het d'Jessi ufgehört.

## WAS ISCH EURES ERSCHTE SUJET GSI?

Mir hän welle Polizischte si. An dere Summersitzig hän mir beschlosse, dass mir Fasnacht mache und hän uns au müesse e Name für d' Clique usdänke. Jedi het also e Papierli vor sich gha und het chönne Nämme ufschribe. Mir hän gwüsst, mir wänd öppis mit «Gugger», natürlich. Und denn hän mir an Schugger dänkt, will mir jo hän welle Polizischte si. Also Dorf-Schugger. Erscht später sind mir d' Gugger Sugar worde. Aber dört hän mir umsverregge welle Handschälle, Tschäpper und Schlagstock ha. Leider het scho bald niemert meh s' ganze Kostüm dehei gha.

## WÄR MACHT S'KOSTÜM? VO WÄM CHÖMME DIE IDEEÄ?

Mir näie eigentlich nüt mitme Schnittmuschter, mir designe alles sälber. Das Joor hän mir s' Kostüm womene Summerchleidli abgwegt. Mir hän s'Chleidli gno und uf bruuns Papier abgmolt. Notürlich alles ebitz grösser. Denn hämers zämmegsteckt und aprobeiert. Mit de Räschtestoff hän mir denn d'Ärmel gmacht. Also mir düen eigentlich ebitz improvisiere und alli bringe ebitz Ideeä. Denn gitz hald öpper wo chli besser im Schniide isch, öpper cha besser zämmestecke, öpper cha guet näie, denn goht das.

## WAS MACHE FRAUECLIQUE BESSER ALS MÄNNERCLIQUE?

Also sicher d'Kostüm, mir mache alles sälber. Mir hän dr Fiinschliff und d' Männer hän halt s'Grobe. Mir luege eher, dass mir e schönes Kostüm hän und Accessoires. Mir luege halt uf Details. D' Männer konzentriere sich uf dr Waagebau. S'Kostüm bstelle si den im Internet. Beides chönne si nit. Mir Fraue sin halt s'Gegeteil. Unseri Schwächä isch derfür dr Waagebau. Denn bruche mir d'Hilf vo de Männer. Uns isch halt eifach wichtig, dass mir s'Kostüm sälber mache, will das gits nüm so viel. Und das nit nur wägem Kostüm sälber, sondern, dass mir au Zit zämme verbringe. D' Vorbereitigzzeit isch uns mega wichtig wäg dr Vorfreud.

## WAS FINDET IHR AN DR ETTIGER FASNACHT SPEZIELL?

Dr Zämmehalt! Mir sin wie ei grossi Familie will sich jede kennt. Du chasch ellei in e Beiz ihne und du bisch überall willkomme. Und au wenn du am Sunntig ellei unterwägs bisch, will alli vo dinere Clique heime sind, fändsch immer öpper! Du chasch halt uf alli zelle wenn's dir schlächt goht! Und du chasch mit jedem schwätze will sich halt jede kennt.

## MIR WÜNSCHE DE GUGGER-SUGAR E TOLLI FASNACHT 2020 UND ALLES GUETI ZUM JUBILÄUM!





Ihr Spezialist, wenn es um Tore, Türen und Fenster geht

\*\*\*10% Neukunden-Rabatt\*\*\*

Multi Montagen GmbH – Kirchwackerweg 11 – 4145 Gempnen



Postfach 139 Kirchgasse 7 4107 Ettingen

T 061 722 08 67 F 061 722 08 68 ruchti.gartenbau@bluewin.ch



Mir stelle vor:

## FUSIONÄRE



D'Fusionäre si im Joor 2005 gründet worde, mir si mittlerweile 7 aktivi Fasnächtler. Dr Name chunnt dohär, dass mir uss drei verschiedenä Clique eini gmacht hän, und somit isch dr Name klar gsi – Fusionäre.

Me cha sicher sage, dass mir zu dä Alte g'höre. D'Fusionäre si e Wageclique wo ihri Sujet ussem Dorf oder uss nationale Ereigniss zum Thema mache. D'Fusionäre si au bekannt, dass si immer bis zur letschtä Minute warte mitem Wagebau. Bi uns isches Tradition, dass mir erscht am Frytig vor dr Fasnacht mitem Baue afo düen. Dorum chas scho emol passierä, dass d'Farb am Wage no nass isch am Umzug. Ebefalls sin mir bekannt drfür, dass mir Landjäger und Cola-Fröschli verteilä. Vorallem d'Landjäger chöme immer gut a bi dä Lüt. Unsere Standort bim Wagebau isch immer bim Teiger in dr Wärkstatt an dr Brühlstross in Ettigä. Dört hän mir e ganzi Halle mit allem nötige und unötigem Wärgzüg für uns. In dä letschtä Joore het sich ei Wärgzüg als sehr wichtig erwise und das isch dr Grill wo dr ganz Daag und au am Obe immer im Betrieb isch. Denn ohni Mampf kei Chrapf. Jedä vo uns het si Uffgob, wie zum Bischbiel dr Teiger. Er isch immer bemüet uns mit dä neuschtä Lieder vom Männerchor z'unterhalte, oder dr Beat (Chauffeur) mit sine sportlichä und dezidierte Meinige immer dr Nagel uffe Chopf trifft. Aber au dr Schwyzi und s'Männeli, wo beidi grossi Fans si vom Komiker Duo Dick und Doof, dörfe nit fehlä. Aber au dr Gigi, wo mit sine Liebä und fundamentiertä Asichte e grossi Bericherig für uns alli isch. 2 wichtigi Cliquemitglieder si au dr Cornel und dr Sillä, wo immer e offnigs Ohr für d'Aliige vo allne Cliquekollegä hän.

Am Schluss blibt nüt anders z'sage, als allne Gugger/inne e tolli Fasnacht 2020 z'wünsche. Mir sage Dankschön allne Fründe und Sponsore, em Fasnachtkomitee, dr Überholspur vo dr H18, dr Pizza Mediterranea für 16 Frangge, em Donald J. Trump, dr 7 ½ dl Fläsche Blauburgunder vom Ambros, dr Kläranlaag Därwil, em Hans-Peter Wessels, em Buesselblöggli vom Ortspolizischt Aesch, de vielne Hünd vo dä Ettiger Lehrer, em Pāti, wo am Peterli e Gesichtsmassage vepasst het, dr Juso Präsidentin Schwiiz, em Vali sinerä Grichtsverhandlig, dr Fasnachtslatärne wo mir nit hän, em Bixe wo immer no im Fasnachtskomitee isch, und allne Metzger wo über 120 Kilo hän.

Fusionäre

# COIFFURE TEAM

hauptstrasse 26  
4107 ettingen

tel. 061 721 21 11  
[www.coiffureteam.ch](http://www.coiffureteam.ch)

## SCHNITZEL- BÄNGG

**AU DAS JOOR  
SIN MIR  
SCHNITZEL-  
BÄNGGLER AM  
SUNNTIG UND  
AM MENTIG ZOBE  
IN DE BEIZE  
UNTERWÄGGS.**

Me dörf sich freue uf:  
d'Rumpelsuris  
d'Plauderi  
d'Schorniggeli  
d'Chaosspidole  
d'Schnäuz  
Diä Drümmlige  
s'Schüufeli und Bäseli mit Drägg  
d'Eigewaggis

und die einte oder andere, wo sich denn  
kurz vorhär au no drzue  
entschliesse, Schnitzelbängg z'mache.



WEINBAU URBAN THÜRING

Wünscht alle e schöni Fasnacht!  
[www.urbanthuering.ch](http://www.urbanthuering.ch)

Wo  
Schönes  
entsteht.

[brodmannag.ch](http://brodmannag.ch)  
4107 Ettingen

**brodmann<sup>o</sup>ag**

wir malen, tapezieren und isolieren



**zimmerei stöcklin**

Holzbau und Bedachungen

4107 Ettingen Tel. 061 721 12 38

[www.zimmerei-stoecklin.ch](http://www.zimmerei-stoecklin.ch)

# Lädeli Genovese Ettingen

S'Lädeli isch neu im Bsitz vom Giovanni Genovese und dr Manuela Baumgartner.

Mir freue uns au an dr Fasnacht uf eure Bsuech!

Öffnigszite:  
Mo-Sa: 7-20 Uhr  
So: 8-20 Uhr  
(Kartezahlig möglich)

**Fasnachts-Aktion:**  
(Schmutzig Donnstig bis Fasnachtszistig)



**Grossi Pizza**  
(ca. 900g)  
**17.- statt 20.-**

**LUBS** Land- und  
Baumaschinen  
Service AG



Martin Zimmermann | info@lubs.ch  
Cyrill Thüring | Tel.: 061 722 06 55  
 | Fax: 061 722 06 58  
Brühlstrasse 7  
4107 Ettingen | www.lubs.ch

Ihr Spezialist für:  
Landmaschinen, Baumaschinen, Motor-  
geräte, diverse Abgastests, Rasenmäher,  
Motorsägen, Garten- und Kleingeräte,  
Occasionen, Klima-Anlagen-Service,  
Chrom- und Alu-Schweissen.

Vertretung von:



**ZWEITE ABZEICHE  
WETTBEWÄRB!**



**WOTSCH DU S'NÖGGSCHTE  
ABZEICHE MITGSTALTE?  
MACH MIT BIM WETTBEWÄRB!**

Alli Infos unter:  
**gufa.ch**



Fasnachtskomitee Ettingen





GUGGER FASNACHT

# DIE SCHÖNSCHTI FASNACHT IM «HÄRZ VOM LEIMETAL» GITS NATÜRLICH AU ONLINE!



GUFA -  
Gugger Fasnacht



@guggerfasnacht



gufa.ch



## IMPRESSUM

Heft: Gugger-Fasnacht GUFA 2020, 10. Usgoob

Veröffentlicht durch: Fasnachtskomitee Ettige

Inhalt und Layout: Patricia Gonçalves und Sylvia Schneider